

醫國通
卷六

張氏醫通卷之六

長洲石頑張璐路王父纂述

男

宣統元年
仲夏月
黎訂

痿痺門

痺

經云風寒溼三氣雜至合而為痺風氣勝者為行痺
寒氣勝者為痛痺溼氣勝者為著痺以冬遇此者為
骨痺以春遇此者為筋痺以下遇此者為脉痺以至
陰遇此者為肌痺以秋遇此者為皮痺
行痺者病處行而不定走注歷節疼痛扇之類當散

風爲主禦寒利氣仍不可廢更須參以補血之劑
蓋治風先治血血行風自滅也○痛痺者寒氣凝
結陽氣不行故痛有定處俗名痛風是也治當散
寒爲主疎風燥濕仍不可缺更須參以補火之劑
非大辛大溫不能釋其凝寒之害也○著痺者肢
体重著不移疼痛麻木是也蓋氣虛則麻木血虛則
木治當利溼爲主祛風解寒亦不可缺更須參以
理脾補氣之劑蓋土強自能勝溼而氣旺自無頑
麻也○骨痺者卽寒痺之加痺也其證痛苦切心四
肢攣急關節浮腫○筋攣者卽風痺行痺也其證
遊行不定與血氣相搏聚於關節筋脉弛縱或亦

或腫○腫痺者卽熱痺也藏府移熱復遇外邪客
搏經絡留而不行其證肌肉熱極皮膚如鼠走脊
口反裂皮膚色變○肌痺者卽著痺淫痺也留而
不移汗出四肢痿弱皮膚麻木不仁精神昏塞○
皮痺者卽寒痺也邪在皮毛癢疹風瘡搔之不痛
初起皮中如蟲行狀已上諸證又以所遇之時而
命名非行痺痛痺著痺外又有皮脈筋肌骨之痺
也

故骨痺不已復感於邪內舍於腎筋痺不已復感於
邪內舍於肝脈痺不已復感於邪內舍於心肌痺不
已復感於邪內舍於脾皮痺不已復感於邪內舍於

肺所謂痺者各以其時重感於風寒溼之氣也肺痺者煩滿喘而嘔心痺者脈不通煩則心下鼓暴上氣而喘隘乾善噫厥氣上則恐肝痺者夜卧則驚多飲數小便上爲引如懷腎痺者善脹尻以伐踵脊以伐頭脾痺者四肢懈惰發欬嘔汁上爲大塞

脾痺則肺氣不清胃熱上逆故煩喘而嘔心痺則脈道不通心火內衰溼氣凌心故恐肝痺則血液阻滯水飲客之故上爲引急如有所懷也腎痺則胃之關門不利故善脹濁陰溼邪傷其陽氣所以腳攣不能伸身僂不能直也脾痺則陽氣不運故四肢懈惰上焦痞塞也

腸痺者數飲而出不得中氣喘爭時發飧泄

腸者兼大小腸而言腸間病痺則下焦之氣不化故雖數飲而小便不得出則本末受病故與中氣喘爭蓋其清濁不分故時發飧泄也

胞痺者少腹膀胱按之內痛若沃以湯漚於小便上為清涕

胞者膀胱之脛也膀胱氣閉則水道不行故按之內痛若以熱湯沃之小便得外熱之助方得稍通而猶滯漚不利則治宜溫助氣化可知膀胱之脈從巔入絡腦故上為清涕以太陽經氣不固而精氣上脫又須溫補無疑蓋緣精泄之後寒氣乘虛

入於膀胱之內而致小便淋瀝不通莖中痛引穀
道甚則臍腹脹痛此屬津液枯竭之故誤與利水
藥必致喘通脹急而死老人陰虛泉竭多有此證
曾見膀胱脹破淋瀝無度時雖暫寬不久卽斃
諸痺不已亦溢內也其風勝者其人易已也其入
藏者死其留連筋骨間者疼久其留皮膚間者易已
凡痺之類逢寒則急逢熱則縱

寒從中生者是人多痺氣也陽氣少陰氣多故身寒
如從冰中出

人有身寒湯火不能熱厚衣不能溫然不能凍慄是
人素腎氣勝以水爲事太陽氣衰腎脂枯不長一水

不能勝兩火腎者水也而生於骨腎不生則髓不能滿故寒甚至骨也所以不能凍慄者肝一陽也心二陽也腎孤藏也一水不能勝二火故不能凍慄病名骨痺是人當變節也

素腎氣勝言真氣本充也以水爲事言嗜慾無節傷其真陽無陽則陰無以生故腎脂枯不長無陰則陽無以化故寒甚至骨也

病在陽者命曰風病在陰者命曰痺陰陽俱病命曰風痺

陽受風氣故在陽者命曰風陰受溼氣故入陰則命曰痺

風痺淫瀲病不可已者足如履冰時如入湯中股脛
淫瀲煩心頭痛時嘔時眩眩已汗出久則目眩悲
以喜恐短氣不樂不出二年死也

寒痺之爲病也留而不去時痛而皮膚不仁刺布衣
者以火用之刺大人者以藥熨之以醇酒二十觔蜀
椒一升乾薑一觔桂心一觔凡四種皆咬咀漬酒中
用綿絮一觔細布四丈并內酒中置酒馬矢燼中蓋
封塗勿使泄五日五夜出布絮曝乾之乾復漬以盡
其汁每漬必晬其日乃出乾乾并用漬與綿爲複布
爲複巾長六七尺爲六七巾則用之生炭灸巾以熨
熨寒痺所刺之處合熱入至於病所寒復灸巾以熨

之三十遍而止汗出以巾拭身亦三十遍止起步內中無見風每刺必熨如此病已矣此所謂內熱也

內納同謂溫其經使熱氣內入血脉流通也布衣血氣清濁故當以火燂之卽近世鍼挑艾熨之類周痺者在於血脉之中隨脉以上隨脉以下不能左右各當其所○風寒淫氣客於分肉之間迫切而爲沫沫得寒則聚聚則排分肉而分裂也分裂則痛痛則神歸之神歸之則熱熱則痛解痛解則厥厥則他痺發發則如是此內不在藏而外未發於皮獨居分肉之間真氣不能周故命曰周痺

金匱云問曰血痺病從何得之師曰夫尊榮人骨弱

肌膚盛重因疲勞汗出卧不時動搖加被微風遂得之但以脈自微濇在寸口閉上小緊宜鍼引陽氣入脈和緊去則愈

血痺陰陽俱微寸口閉上微尺中小緊外證身體不仁如風痺狀黃耆桂枝五物湯主之

血痺者寒溼之邪痺著於血分也辛苦勞勩之人皮腠緻密筋骨堅強雖有風寒濕邪莫之能客惟尊榮奉養之人肌肉豐滿筋骨柔脆素常不腠疲勞行卧動搖或遇微風則能痺著爲患不必風寒溼之氣雜至而爲病也上條言脈自微濇而閉寸小緊爲溼痺血分所以陽氣不能外行故宜鍼引

陽氣以和陰血下條言陰陽俱微而尺中小緊爲
營衛俱虛所以身體不仁故宜藥通營衛行散其
痺則緊去人安而愈矣○夫血痺者卽內經所謂
在脉則血凝不流仲景直發其所以不流之故言
血旣痺脉自微濇然或寸或關或尺其脉見小急
之處卽風入之處也故其鍼藥所施皆引風外出
之法也

腎著之病其人身體重腰中冷如坐水中形如水狀
反不渴小便自利飲食如故病屬下焦身勞汗出衣
裏冷溼久久得之腰以下冷痛腹重如帶五千錢甘
姜苓朮湯主之

此證乃溼邪中腎之外廓與腎藏無預也雖腰中
冷如坐水中實非腎藏之真氣冷也今邪著下焦
飲食如故不渴小便自利且與腸胃之府無預况
腎藏乎此不過身勞汗出衣裏冷濕久久得之但
用甘草乾姜茯苓白朮甘溫淡滲行濕足矣又何
取煖腎壯陽哉

諸肢節疼痛身體尪羸脚腫如脫頭眩短氣溫溫欲
吐桂枝芍藥知母湯主之

此卽總治三焦痺之法頭眩短氣上焦痺也溫溫
欲吐中焦痺也脚腫如脫下焦痺也肢節疼痛身
體尪羸筋骨痺也由是觀之當是風寒濕痺其營

衛筋節三焦之病然濕多則腫寒多則痛風多則動用桂枝治風麻黃治寒白朮治濕防風佐桂枝附子佐麻黃白朮其為藥生薑甘草亦如桂枝湯之和其營衛也知母治脚腫引諸藥下行附子以行藥勢開痺之大劑也

戴人云痺病以濕熱為原風寒為兼三氣合而為痺其脉沉澹奈何治此者不問經絡不分藏府不分表裏便作寒溼脚氣烏之附之乳之沒之種種燥熱攻之中腕灸之劑下燒之三里火之蒸之熨之湯之洗之以致便溺澹滯前後俱閉虛躁轉甚肌膚日削飲食不下雖遇扁華亦難措手若此者何哉胸膈間有

寒痰故也痺病本不死死死於醫之誤也

景岳全書云觀痺論曰風寒溼三氣雜至合而爲痺而尋天剛柔論又曰在陽者命曰風在陰者命曰痺何也蓋三氣之合乃專言痺證之所因也曰在陽爲風在陰爲痺又分言表裏之有殊也如風之與痺本皆由感邪所致但外有表證之見而見發熱頭疼等證或得汗卽解者是皆有形之謂此亦陽邪在陽分是卽傷寒中風之屬也故病在陽者命曰風若旣受寒邪而初無發熱頭疼又無表證或有汗或無汗而筋骨之痛如故乃延綿久不能愈而外無表證之見者是皆無形之謂此以陰邪直走陰分卽諸痺之屬

也故病在陰者命曰痺其或既有表證而疼痛又不
能愈此卽半表半裏陰陽俱病之證故陰陽俱病者
命曰風痺此所以風病在陽而痺病在陰也然則諸
痺者皆在陰分亦總由真陰衰弱精而虧損故三氣
得以乘之而爲此諸證經曰邪入於陰則痺正謂此
也是以治痺之法最宜峻補真陰使血氣流行則寒
邪隨去若過用風溼痰滯等藥而再傷陰氣必反成
其病矣

行痺者走注無定風之用也經言病在陽者命曰風
在陰者命曰痺陰陽俱病命曰風痺越脾加木附湯
輕則羌防歸芎葛桂赤茯苓威靈仙蒼太黃槧若

病久太虛非大補氣血不可知日從事乎散風清火
則痺肺必敗終致不起○痛痺者痛有定處乃淫氣
傷腎腎不生肝肝風挾淫流走四肢肩髀疼痛拘急
浮腫金匱烏頭湯加羌活官桂服後吸熱稀粥助其
作汗乃解身體痛如欲折肉如錐刺刀割于金附子
湯○著痺者痺著不仁經曰營氣虛則不仁衛氣虛
則不用營衛俱虛則不仁且不用靈樞云衛氣不行
則爲麻木東垣治麻痺必補衛氣而行之渾身麻木
不仁或左或右半身麻木或面或頭或手臂或脚腿
麻木不仁並宜神效黃耆湯皮膚間麻木此脾氣不
行也木方去蔓荊倍黃耆加防風如肌肉麻當云不